



NEGERI SABAH

[JPAN: 700-3/2/1(59)]

PEKELILING PERKHIDMATAN NEGERI SABAH BIL. 9/2023

BANTUAN KHAS PENGHARGAAN PENJAWAT AWAM NEGERI

TUJUAN

1. Pekeliling Perkhidmatan ini bertujuan melaksanakan keputusan Kerajaan Negeri untuk memberi Bantuan Khas Penghargaan Penjawat Awam Negeri kepada semua pegawai Perkhidmatan Awam Negeri.

LATAR BELAKANG

2. Kerajaan Negeri melalui Mesyuarat Jemaah Menteri Siri 13/2023 pada 30 Ogos 2023 telah bersetuju untuk memberikan Bantuan Khas Penghargaan Penjawat Awam Negeri sebanyak RM 300.00 kepada semua pegawai Perkhidmatan Awam Negeri. Bantuan Khas Penghargaan ini adalah bagi menghargai sumbangan dan sebagai suntikan semangat kepada Penjawat Awam Negeri untuk berusaha lebih gigih demi meningkatkan mutu perkhidmatan kepada rakyat.

“SABAH MAJU JAYA”

PEGAWAI YANG LAYAK

3. Pembayaran Bantuan Khas Penghargaan Penjawat Awam Negeri **layak** diberikan kepada semua Pegawai Perkhidmatan Awam Negeri yang masih berkhidmat pada 10 Ogos 2023 seperti yang berikut:

- 3.1 pegawai lantikan tetap, sementara dan *Contract of Service* (COS);
- 3.2 pegawai yang bercuti bergaji penuh;
- 3.3 pegawai yang bercuti separuh gaji;
- 3.4 pegawai yang bercuti tanpa gaji; dan
- 3.5 pegawai yang dipinjamkan termasuk ke agensi yang diasingkan pengurusan saraannya. Bantuan Khas Penghargaan Penjawat Awam Negeri ini akan dibayar oleh agensi yang menerima peminjaman pegawai.

4. Bantuan Khas Penghargaan Penjawat Awam Negeri sebanyak RM 300.00 turut dipanjangkan kepada:

- 4.1 Pekerja Sambilan Harian (PSH) yang masih berkhidmat pada 10 Ogos 2023 dengan syarat tempoh kontraknya telah berkuat kuasa sekurang-kurangnya 30 hari berturut-turut;
- 4.2 Pegawai lantikan politik yang berkhidmat di Unit Pemimpin Pembangunan Masyarakat; dan
- 4.3 Pegawai Kerajaan lantikan vot terbuka.

PESARA

5. Pesara Kerajaan yang menerima pencen dan termasuk penerima pencen terbitan di bawah undang-undang pencen serta pesara Skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa atau bersara atas sebab kesihatan, pesara bersara pilihan dan belum menerima pencen **pada atau sebelum 10 Ogos 2023** telah dibayar Bantuan Khas Penghargaan sebanyak RM200.00 oleh Bahagian Pencen, Jabatan Perkhidmatan Awam Malaysia pada **10 Ogos 2023**.

6. Pesara yang dilantik semula secara *Contract of Service* (COS) atau secara sementara dan masih berkhidmat pada 10 Ogos 2023 layak dibayar Bantuan Khas Penghargaan Penjawat Awam Negeri sebanyak RM 300.00 oleh jabatan di mana pegawai sedang berkhidmat pada **25 September 2023**.

PEGAWAI MENINGGAL DUNIA DALAM PERKHIDMATAN

7. Pegawai Perkhidmatan Awam Negeri yang meninggal dunia pada 10 Ogos 2023 layak diberi Bantuan Khas Penghargaan Penjawat Awam Negeri sebanyak RM 300.00.

PEGAWAI YANG TIDAK LAYAK

8. Bantuan Khas Penghargaan Penjawat Awam Negeri ini **tidak diberikan** kepada:

8.1 pegawai yang dijatuhkan hukuman tatatertib dalam tempoh 1 Januari 2023 hingga 10 Ogos 2023 ;

8.2 pegawai yang ditamatkan perkhidmatan demi kepentingan awam dalam tempoh 1 Januari 2023 hingga 10 Ogos 2023;

“SABAH MAJU JAYA”

- 8.3 pegawai yang meletak jawatan dalam tempoh 1 Januari 2023 hingga 10 Ogos 2023; dan
- 8.4 pegawai berpencen yang melepaskan hak pencen kerana menyertai Badan Berkanun Yang Diasingkan Saraannya.

PEGAWAI YANG DITANGGUHKAN BAYARAN BANTUAN KHAS PENGHARGAAN PENJAWAT AWAM NEGERI

9. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib akan ditangguhkan pemberian Bantuan Khas Penghargaan Penjawat Awam Negeri sehingga Pihak Berkuasa Tatatertib mendapati pegawai tersebut tidak bersalah.

TARIKH PEMBAYARAN

10. Tarikh pembayaran Bantuan Khas Penghargaan Penjawat Awam Negeri kepada Penjawat Awam Negeri yang masih berkhidmat adalah pada **25 September 2023**.

11. Bantuan Khas Penghargaan Pesara Kerajaan Negeri telah dibayar pada **10 Ogos 2023** oleh Bahagian Pencen, Jabatan Perkhidmatan Awam Malaysia selaras dengan surat edaran Rujukan : JPA. 800-3/2/4(33) bertarikh 01 Ogos 2023 daripada Jabatan Perkhidmatan Awam Malaysia.

TANGGUNGJAWAB PEMBAYARAN

12. Pembayaran Bantuan Khas Penghargaan Penjawat Awam Negeri ini adalah menjadi tanggungan jabatan di mana pegawai berkhidmat pada tarikh pembayaran.

“SABAH MAJU JAYA”

TARIKH KUAT KUASA

13. Pekeliling Perkhidmatan ini berkuat kuasa mulai tarikh ia dikeluarkan.

PEMAKAIAN

14. Tertakluk kepada penerimaan pakai Pekeliling Perkhidmatan ini oleh pihak berkuasa masing-masing, peruntukan Pekeliling Perkhidmatan ini pada keseluruhannya dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.

“MALAYSIA MADANI”

“BERKHIDMAT UNTUK NEGARA”



[DATUK SERI PANGLIMA Sr. HAJI SAFAR UNTONG, JP]
Setiausaha Kerajaan Negeri

Tarikh: 05 SEP 2023

s.k.: Setiausaha Tetap
Kementerian Kewangan Negeri Sabah
Blok C, Menara Kinabalu
Jalan Teluk Likas, Tanjung Lipat
88400 KOTA KINABALU

Bendahari Negeri
Jabatan Bendahari Negeri Sabah
Tingkat 8,9,10 dan 11, Blok A, Menara Kinabalu
Jalan Teluk Likas, Tanjung Lipat
88400 KOTA KINABALU

“SABAH MAJU JAYA”

Diedarkan kepada :
Semua Setiausaha Tetap Kementerian Negeri
Semua Ketua Jabatan Negeri
Semua Pihak Berkuasa Berkanun Negeri
Semua Pihak Berkuasa Tempatan Negeri
Semua Pegawai Daerah
Semua Penolong Pegawai Daerah, Daerah Kecil

“SABAH MAJU JAYA”

SOALAN LAZIM
BANTUAN KHAS PENGHARGAAN (BKP) PENJAWAT AWAM NEGERI

A. PENJAWAT AWAM

BIL.	SOALAN	KELAYAKAN
Pelaksanaan		
1.	Siapakah Penjawat Awam yang layak dibayar Bantuan Khas Penghargaan Penjawat Awam Negeri?	<p>Bantuan Khas Penghargaan Penjawat Awam Negeri dibayar kepada semua pegawai Perkhidmatan Awam Negeri dengan syarat pegawai masih berkhidmat pada 10 Ogos 2023.</p> <p>Turut layak diberi kepada pegawai yang bercuti bergaji penuh, pegawai yang bercuti separuh gaji, pegawai yang bercuti tanpa gaji dan pegawai yang dipinjamkan termasuk ke agensi yang diasingkan pengurusan saraannya.</p>
Pegawai Perkhidmatan Awam Lantikan Baharu		
2.	Adakah Pegawai yang baharu dilantik pada 03 Ogos 2023, layak Bayaran Bantuan Khas Penghargaan (BKP) Penjawat Awam Negeri?	Pegawai yang baharu dilantik dan telah melapor diri bertugas sebelum 10 Ogos 2023 layak menerima BKP Penjawat Awam Negeri.
Pegawai Bercuti Separuh Gaji/ Tanpa Gaji		
3.	Adakah pegawai yang bercuti separuh gaji/tanpa gaji sepanjang tempoh 1 Januari 2023 hingga 10 Ogos 2023 layak menerima BKP Penjawat Awam Negeri?	Layak.
Pegawai Peminjaman		
4.	Adakah pegawai yang dipinjamkan ke Gred Utama/Khas layak menerima BKP Penjawat Awam Negeri?	<p>Layak.</p> <p>Pegawai layak dibayar BKP Penjawat Awam Negeri, walau bagaimanapun bagi pegawai yang dipinjamkan ke agensi yang diasingkan pengurusan saraannya, Bantuan ini hendaklah dibayar oleh agensi yang menerima pinjaman.</p>

“SABAH MAJU JAYA”

BIL.	SOALAN	KELAYAKAN
Pegawai <i>Contract of Service</i>		
5.	Adakah seorang pegawai <i>Contract of Service</i> layak diberi BKP Penjawat Awam Negeri sekiranya beliau berkhidmat mulai 1 Oktober 2021 hingga 1 Ogos 2023 dan tidak lagi berkhidmat selepas tarikh tamat kontrak tersebut?	Tidak layak. Pegawai tidak lagi berada dalam perkhidmatan pada 10 Ogos 2023.
6.	Adakah seorang pegawai <i>Contract of Service</i> yang dilantik pada 1 Januari 2023 hingga 31 Disember 2023 layak diberi BKP Penjawat Awam Negeri?	Layak. Pegawai layak menerima BKP Penjawat Awam Negeri dengan syarat masih berada dalam perkhidmatan pada 10 Ogos 2023.
7.	Adakah pesara yang dilantik semula secara <i>Contract of Service (COS)</i> dan masih berkhidmat pada 10 Ogos 2023 layak dibayar BKP Penjawat Awam Negeri?	Layak. Pesara yang dilantik semula secara <i>Contract of Service (COS)</i> dan masih berkhidmat pada 10 Ogos 2023 layak dibayar BKP Penjawat Awam Negeri oleh jabatan di mana pegawai sedang berkhidmat.
Pekerja Sambilan Harian (PSH)		
8.	Adakah PSH layak yang kontraknya berkuat kuasa mulai 1 Januari 2023 hingga 01 Ogos 2023 dan kemudiannya telah diperbaharui kontraknya berkuat kuasa 02 Ogos 2023 hingga 31 Disember 2023 layak diberi BKP Penjawat Awam Negeri?	Layak. Pemberian BKP Penjawat Awam Negeri turut dipanjangkan kepada Pekerja Sambilan Harian (PSH) tertakluk kepada syarat tempoh kontraknya telah berkuat kuasa sekurang- kurangnya 30 hari berturut-turut termasuk Hari Rehat Mingguan, Hari Kelepasan Mingguan dan Hari Kelepasan Am serta masih berkhidmat pada tarikh 10 Ogos 2023. Tempoh perkhidmatan kontrak terdahulu (1 Januari 2023 hingga 1 Ogos 2023) boleh diambil kira bagi tujuan melengkapkan pengiraan 30 hari berturut-turut kerana jurang (gap) 1 atau 2 hari di antara kontrak terdahulu dengan kontrak baharu dengan syarat Pekerja Sambilan Harian tersebut masih berada dalam perkhidmatan pada 10 Ogos 2023.

BIL.	SOALAN	KELAYAKAN
	...sambungan...	Kontrak yang mempunyai tempoh jurang yang melebihi 2 hari Ketua Jabatan boleh mempertimbangkan kontrak yang tempoh jurang (gap) atas sebab Hari Rehat Mingguan dan Hari Kelepasan Am bagi melengkapkan pengiraan 30 hari berturut-turut.
9.	Adakah Pekerja Sambilan Harian (PSH) yang telah berkhidmat pada 1 Januari 2023 hingga 1 Ogos 2023 layak diberi BKP Penjawat Awam Negeri?	Tidak layak. Pekerja Sambilan Harian (PSH) tidak layak diberi BKP Penjawat Awam Negeri kerana tidak lagi berada dalam perkhidmatan pada 10 Ogos 2023.
10.	Adakah Pekerja Sambilan Harian (PSH) yang telah dilantik pada 1 Januari 2023 hingga 30 Julai 2023 dan dilantik semula pada 9 Ogos 2023 layak diberi BKP Penjawat Awam Negeri?	Tidak layak. Pekerja Sambilan Harian (PSH) tidak layak diberi BKP Penjawat Awam Negeri kerana kontraknya yang sedang berkuat kuasa (kontrak mulai 9 Ogos 2023) tidak memenuhi tempoh 30 hari berturut-turut seperti yang ditetapkan dalam perenggan 4.1, Pekeliling ini.
11.	Adakah Pekerja Sambilan Harian (PSH) yang dilantik bermula pada 1 Ogos 2023 dan masih berkhidmat pada 10 Ogos 2023 layak diberi BKP Penjawat Awam Negeri?	Tidak layak. Pekerja Sambilan Harian (PSH) tidak layak diberi BKP Penjawat Awam Negeri kerana kontraknya yang sedang berkuat kuasa (kontrak mulai 1 Ogos 2023) tidak memenuhi tempoh 30 hari berturut-turut seperti yang ditetapkan dalam perenggan 4.1, Pekeliling ini.
Hukuman Tatatertib		
12.	Adakah pegawai yang dijatuhkan hukuman amaran pada 10 Ogos 2023 oleh Pihak Berkuasa Tatatertib Kementerian/Jabatan layak diberi BKP Penjawat Awam Negeri?	Tidak layak. Pegawai tidak layak diberi BKP Penjawat Awam Negeri kerana hukuman amaran adalah turut merupakan salah satu daripada jenis hukuman tatatertib mengikut Peraturan 246, Peraturan-Peraturan Pegawai Awam Negeri Sabah 2008.
13.	Adakah pegawai yang telah dijatuhkan hukuman tatatertib pada 12 Januari 2023 layak diberi BKP Penjawat Awam Negeri?	Tidak Layak. Pegawai tidak layak diberi BKP Penjawat Awam Negeri kerana hukuman tatatertib berkenaan telah dijatuhkan dalam tempoh 1 Januari 2023 hingga 10 Ogos 2023.

“SABAH MAJU JAYA”

BIL.	SOALAN	KELAYAKAN
Meninggal Dunia Dalam Perkhidmatan		
14.	Adakah pegawai yang meninggal dunia pada 10 Ogos 2023 layak menerima BKP Penjawat Awam Negeri?	Layak. Pegawai layak dan BKP Penjawat Awam Negeri tersebut akan dibayar oleh jabatan terakhir pegawai berkhidmat.
Pengkorporatan/ Penswastan dan Pengasingan		
15.	Adakah pegawai yang dipinjamkan ke agensi yang diasingkan pengurusan saraannya atau badan antarabangsa atau syarikat swasta sepanjang tempoh 1 Januari 2023 hingga 10 Ogos 2023 layak menerima BKP Penjawat Awam Negeri?	Layak. BKP Penjawat Awam Negeri akan dibayar oleh agensi yang menerima peminjaman pegawai (agensi peminjam).
Meletak Jawatan/ Berhenti/ Ditamatkan Perkhidmatan		
16.	Adakah pegawai Perkhidmatan Awam Negeri yang meletak jawatan/berhenti/ditamatkan perkhidmatan demi kepentingan awam dalam tempoh 1 Januari 2023 hingga 10 Ogos 2023 layak diberi BKP Penjawat Awam Negeri?	Tidak layak. Pegawai tidak layak kerana pegawai tidak lagi berada dalam perkhidmatan.

B. PESARA KERAJAAN

BIL.	SOALAN	KELAYAKAN
Pesara		
17.	Siapakah pihak pembayar BKP Penjawat Awam Negeri sebanyak RM300.00 kepada pegawai yang bersara pada 11 Ogos 2023 hingga 25 September 2023?	Pesara tersebut layak dibayar BKP Penjawat Awam Negeri kerana masih berkhidmat pada 10 Ogos 2023, BKP tersebut akan dibayar oleh jabatan terakhir pegawai berkhidmat sebelum bersara pada 25 September 2023.
18.	Siapakah pihak pembayar BKP kepada Pesara Kerajaan Negeri sebanyak RM 200.00 yang bersara pada atau sebelum 10 Ogos 2023?	Pesara Kerajaan/penerima pencen dibayar BKP Pesara oleh Bahagian Pencen, Jabatan Perkhidmatan Awam Malaysia selaras dengan surat edaran daripada Jabatan Perkhidmatan Awam Malaysia Rujukan : JPA. 800-3/2/4(33) bertarikh 01 Ogos 2023.

“SABAH MAJU JAYA”